

იაპონიის მთავრობამ მეორე მსოფლიო ომში თავისი ქმედებების გამო ბოდიში მოიხადა

“ოფიციალური ტოკიო მეორე მსოფლიო ომში ჩადენილი ქმედებების გამო ღრმა სინანულს განიცდის და ბოდიშს მოიხდის ” , – განაცხადა იაპონიის პრემიერ მინისტრმა სინძო აბემ ჯაკარტაში აზიისა და აფრიკის ქვეყნების მიმდინარე სამიტზე სიტყვით გამოსვლის დროს.

“ჩვენ მშვიდობიანი სახელმწიფოს პრინციპებს ვემხრობით. ამიერიდან იარაღის უკონტროლო გამოყენება დაუშვებელი უნდა იყოს.” – აღნიშნა პრემიერმა.

იაპონია აზიისა და აფრიკის ქვეყნებისთვის 350 ათასი სპეციალისტის მომზადების პროგრამაში აპირებს ჩართვას, რადგან ამ ქვეყნების უმეტესობა დღეს იაპონიის ეკონომიკური პარტნიორია. “ინფრასტრუქტურულ და საგანმანათლებლო პროექტებში ერთობლივი მონაწილეობა გააძლიერებს და დააჩქარებს ამ ორი რეგიონის განვითარებას”, – მიაჩნია ქვეყნის პრემიერ მინისტრს სინძო აბეს. ბოლო 60 წლის მანძილზე აზიისა და აფრიკის ქვეყნებს ტოკიომ 300 მილიონ დოლარზე მეტი ეკონომიკური დახმარება გაუწია, ასევე 140 ათასამდე სპეციალისტი გააზავნა სხვადასხვა რეგიონში.